



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCXVI. ad annum MCCCCXXIII.

**Parisiis, 1644**

Sessio XXII.

**urn:nbn:de:hbz:466:1-15653**

nuper contententium prædecessorum, durante tempore schismatis & occasione eiusdem, nonnulli processus, sententias excommunicationum, priuationis, irregularitatis, inhabilitationis, suspensionis & interdicti, & alias censuras ecclesiasticas in se continentes, in & contra collegia, diuifas personas, regna, iurisdictiones, communitates, vniuersitates, collegia, loca, distractus & territoria, fuerunt & sunt hinc inde facti & promulgati, ac propter antiquos dictum schisma, ac etiam quia multi notabiles doctores vtriusque iuris, & magistri in sacra pagina scripserunt pro & contra, ac publice & solenniter determinauerunt, ita vt in dubium vertatur a multis, quis a tempore dicti schismatis fuerit verus Romanus pontifex, seu quis veri vicarii Iesu Christi fungeretur officio, ad exonerationem conscientiarum vtriusque obedientiæ, quæ etiam per Dei gratiam ad vnum ouile ouium redactæ sunt; omnes & singulos huiusmodi processus & sententias, qui vel quæ occasione prætextu schismatis & adhærentiæ vtriusque partis seu viæ neutralitatis assumptæ vel introductæ, hinc inde, vt præmittitur, lati, decretati, seu fulminati fuerunt: quos omnes & singulos hic pro expressis haberi volumus, hoc sacro approbante Concilio, ex nostra certa scientia tollimus & abolemus, ac pro sublatis & abolitis in perpetuum haberi volumus, nomine præfatis sententiis aut processibus esse ligatū vel inuolutum declarantes, & nihilo minus ex abundantia ad cautelam, ac si & in quantum indigent, quoscumque subditis processibus comprehensos a dictis sententiis & censuris absoluimus, & absolutos haberi decernimus & declaramus, & super irregularitatibus, si quas propter præmissa vel occasione præmissorum contraxerint, dispensantes.

Item fuit ordinatum, aliam sessionem fieri debere ad diem Mercurii tunc proximam, quæ postea fuit de mandato domini nostri papæ prorogata propter aduentum regis Ludouici interim superuenientis ad diem vigesimam septimam Iulii.

#### SESSIO XXII.

Qua die vigesima septima Iulii adueniente, Missa, ceremoniis, & aliis solennitatibus seruatis, dominus cardinalis de Chalanco indutus tunica diaconali & mitra, de

ANNO  
CHRISTI  
1409.\* f. anti-  
quum\* f. &  
pizera\* f. neni-  
nem

ANNO CHRISTI 1409. mandato domini nostri papæ ascendit pulpitum, pluribus prælatis associatus, legitque articulos & capitula subsequentia.

Item, sacro approbante Concilio, omnes & singulas promotiones, translationes, confirmationes, collationes, & quascumque prouisiones, quibusuis personis huic sacro Concilio & eius determinationi adhærentibus, de quibuscumque prælaturis, dignitatibus, beneficiis & officiis ecclesiasticis, curatis, vel non curatis, consecrationesque episcoporum, & ordinationes clericorum, per ipsos contendentes de papatu, aut eorum alterum, seu ipsorum prædecessores, vel eorum mandato, aut auctoritate, temporibus & locis in quibus eisdem realiter & libere præstatur obedientia, dum tamen ante sententiam definitiuam & alias canonicè factæ sint, & publice, ac pacifice tempore sententiæ possederint, & in præiudicium vnionis, aut persecutionis eiusdem, vel huic Concilio adhærentium, factæ non fuerint, ex certa scientia & motu proprio ratificamus & approbamus, ac ratas haberi volumus atque firmas, & etiam si oporteat, de nouo prouidemus.

Vbi autem aliquis casus emergeret, per quem appareret aliquem huic Concilio adhærentem, grauatum per alterum ex contendentes, a die tertia Maii quoad Angelum Corarium, & a die 15. Iulii quoad Petrum de Luna, anni videlicet millesimi quadringentesimi octauo, placet Concilio, quod dictus dominus noster papa prouideat, vt sibi iustum esse videbitur. Item placet Concilio, quod super facto archiepiscopi Ianuensis dominus noster prouideat.

Item electiones, postulationes, ipsarum admissiones, confirmationes, mutationes, consecrationes clericorum, ordinationes, præsentationes, institutiones, collationes & priuationes quasuis, prouisiones & dispositiones quibusuis personis, huic sacro Concilio & eius determinationi adhærentibus, de quibuscumque beneficiis ecclesiasticis, de prælaturis, per electores, confirmatores, patronos, ordinarios, & quoscumque prouisores, ad hoc potestatem & auctoritatem habentes, canonicè factas, temporibus & locis subtractionis & neutralitatis, in quibus huiusmodi contententibus obedientia præstatur, dummodo alias cano-

nice factæ sint, hoc sacro approbante Concilio ratificamus & approbamus, & ratas habere volumus atque firmas, ac omnem suscipere roboris firmitatem, referuationibus non obstantibus quibusque: declarationibus tamen & decretis hoc capitulum concernentibus, in aliis sessionibus lectis, in suo robore permanentibus.

Item, ut vnione & pace iam in Dei ecclesia per ipsius gratiam in capite confirmata, pax & tranquillitas subditorum perfectius procuretur, & litium anfractus, quarum dubii sunt euentus, consultius euitentur, hoc sacro approbante Concilio decernimus & declaramus, quod omnes & singuli beneficia ecclesiastica, dignitates, personatus, vel officia curata, vel non curata, titulo ordinario assecuti, & possessionem pacificam iam adepti, dum tamen canonice, & alias quam per priuationem adherentium huic sacro Concilio & eius determinationi, assecuti fuerint, beneficiis huiusmodi libere & pacifice gaudeant, nec in iure, titulo seu possessionibus suis quomodolibet inquietentur, turbentur, seu grauentur, etiam si specialiter vel generaliter beneficia prædicta sedi apostolicæ fuerint referuata.

Per præmissa vero, seu aliquod præmissorum, non intendimus derogare ordinationibus circa præmissos articulos factis in vltima congregatione prælatorum, & aliorum virorum ecclesiasticorum, facta Parisiis. Nec etiam ex præmissis, vel aliquo præmissorum volumus aliquod præiudicium generari venerabilibus fratribus nostris cardinalibus, aut alicui ipsorum huic sacro Concilio & eius determinationi nunc adherentium, in beneficiis, & alias per ipsos & quemlibet ipsorum canonice possessis. Per hoc autem etiam non intendimus fieri aliquod præiudicium venerabili fratri nostro cardinali Albanensi, in iure quod habet in archidiaconatu ecclesiæ Lucionensis.

Item, sacro approbante Concilio, decernimus fore procedendum contra obedientes & adherentes pertinaciter, seu fautores Petri de Luna & Angeli Corarii, nuper de papatu contendentes & colludentibus, per hoc sacrum Concilium de schismate & hæresi notoriis, per definitiuam sententiam condemnatis, modis quibus est contra credentes & fautores hæreticæ prauitatis, secundum sacros Canones procedendum.

ANNO  
CHRISTI  
1409.

Item, sacro approbante Concilio, decernimus nos vel successorem nostrum ex certis magnis & arduis causis nos & hoc sacrum Concilium mouentibus, iterum generale Concilium fore conuocandum hinc ad triennium, videlicet anno quo dicitur, anno Domini millesimo quadringentesimo duodecimo, in mense Aprili, in ciuitate seu loco habili & decenti, qui locus declarabitur per annum ante tempus Concilii, per nos vel per successorem nostrum.

Item, sacro approbante Concilio, decernimus & declaramus, quod si cardinalis de Flisco infra duos menses proximos personaliter ad nos venire, & obedientiam nobis præstare, & determinationi huius sacri Concilii adherere voluerit, benigniter recipiatur, cum integritate status & honoris, atque beneficiorum quæ decimo quinto Iunii anni millesimi quadringentesimi octauo obtinebat.

Item, omnes dispensationes factas per episcopos diocesanos in partibus neutralibus, super defectu ætatis, causa assequendi & obtinendi beneficia, dignitates & prælaturas.

Item, omnes absolutiones & habilitationes in foro pœnitentiali, tam per contententes, quam per ordinarios prædictos schismate pendente factas, super casibus sanctæ sedis apostolicæ reseruatis, ex certa nostra scientia, hoc sacro approbante Concilio, ratificamus & approbamus.

Post prædicta archiepiscopus Pisanus in pulpito prædicto pronuntiauit, quod dominus noster Alexander papa V. oculum misericordiæ & viscera compassionis & pietatis suæ conuertens ad ecclesias desolatas, ruinosas, & in magna necessitate constitutas, liberaliter remittit & indulget omnia arreragia maiora, minora seruitia ab eis suæ cameræ apostolicæ debita de toto tempore præterito usque ad tempus suæ assumptionis.

Item, idem dominus noster notificauit omnibus per organum dicti domini archiepiscopi Pisani, quod non intendit amodo vt antea reseruare bona seu spolia prælatorum & aliorum morientium prælatorum.

Item, quod non intendit reseruare fructus medii temporis beneficiorum vacantium.

Item supplicauit idem dominus archiepiscopus nomine totius Concilii dominis cardinalibus, quod portionem competentem eisdem de arreragijs præteriti temporis velent ecclesijs & viris ecclesiasticis remittere liberaliter, quemadmodum dominus noster fecerat in portione ipsam tangente: & petiit a Concilio, an hoc placeret sibi, & quod expresse diceret, placet: dominus cardinalis Albanensis solus se opposuit.

Item, idem archiepiscopus pronuntiauit proxime futuram sessionem fiendam ad diem Veneris sequentem, de mandato domini nostri papæ; & quod nullus interim recederet sine licentia papali. De istis omnibus hac die expeditis promotor seu procurator ecclesiæ petiuit vnum vel plura instrumenta confici per clericos camerae & notarios Concilii, ad perpetuam rei memoriam.

Item in hac sessione dictum fuit, quod dominus noster prouideret archiepiscopo Ianuensi super archiepiscopatu suo. Etiam placuit Concilio, quod dominus cardinalis Albanensis prosequeretur ius quod habere prætendebat in archidiaconatu Lucionensi. Successiue præfatus dominus noster papa sessionem fiendam, certis de causis animum suum mouentibus, continuauit vsque ad diem Mercurii septimam mensis Augusti tunc proxime sequentis.

#### SESSIO XXIII.

Die Mercurii septima Augusti adueniente, solennitatibus & ceremoniis seruatis circa officium diuinum, sanctissimus in Christo pater dominus noster, sacro approbante Concilio, ordinauit, quod bona immobilia ecclesiæ Romanæ, seu aliarum ecclesiarum, nullatenus per ipsum vel alios prælatos alienentur, seu hypothecentur, vsque ad proxime indictum Concilium, in quo super hoc articulo maturius poterit deliberari.

Item, idem dominus noster, eodem approbante Concilio, ordinat & mandat celebrari ante Concilium generale Concilia prouincialia, per metropolitanos & synodos, ac eorum suffraganeos, secundum formam iuris & Concilii generalis: quia ex eorum omissione multa inconuenientia sequerentur.

Item, idem dominus noster, eodem approbante Con-